

四庫全書

集部

欽定四庫全書

集部

因園集卷五

六

詳校官左中允<sub>臣</sub>瑋五珠

助教<sub>臣</sub>常循覆勘

總校官進士<sub>臣</sub>朱 鈐

校對官編修<sub>臣</sub>方 燁

謄錄監生<sub>臣</sub>陳子泗

欽定四庫全書

因園集卷五

左贊善趙執信撰

鼓枻集

別興

對酒不辭飲浣此湖海襟請看石上泉中有萬里心我  
性愛烟水乘秋恣所尋三江連五嶺浪漫問知音

泰山下作

昨行泰山東白雲翦天門但疑霄漢近豈謂岡巒尊今  
晨路南轉北面朝丈人秋風生西極萬里開朝暾披豁  
盛大容擺簸雷雨痕洗然耳目前赫矣神靈存兩觀耀  
日月指顧引越秦三溪鬱參差秀色相吐吞左映萬碧  
瓦松柏晴猶昏禪亭久蕪沒輦道方增新右擁千尋壁  
瀑布懸天紳冉冉水簾垂一一白鶴馴噴薄冰玉碎騰  
攫蛟龍伸誰掬滄海波濯此青嶙峋匡廬抱銀河失意  
空南奔眇茲嶧與蒙亭亭復云云我如蓬蘽士意外睹

九閭歲嵬但睨視虎豹無輕嗔平生幾緡屐咫尺慚逡

巡終當結茅宇長與神房鄰

天紳白鶴水簾皆西溪瀑泉名數十年來今為最盛

### 東阿縣哭故同年房舍人

滿目惜離羣秋風不可聞魚山才識我黃石故非君往

事庭中草前期水上雲遙憐有新契子建接荒墳

昔在長安

每以庭中花草見遺

### 穀城山咏留侯

秦皇殪六王按劍坐虎視收兵作金人天下心俱死子

房貌婦女起揮報韓椎萬乘盡辟易祖龍喪天威却顧  
發難徒狐鳴豈足道智傾垓下雄氣歛圯橋老功成何  
淡蕩濟北遠相尋奇傑丈夫節委蛇君子心悲哉韓淮  
陰胯下同一趣終思蒯生言不從赤松去

陳思王墓

大雅此丘阿千秋寄恨多名非賓客借才自父兄過雨  
暗狼厓樹風生馬頰波靈祠傍神女作賦問如何

微雨登舟留別相送諸子

雨隱官柳暮西風為解維驪歌隨棹發帆影帶雲移秋水正空濶閒身易別離天涯說相識從此屬篙師

自張秋漾舟至濟寧即事口號四首

閒倚檣竿學榜歌悠然身世入漁蓑無端一夜孤蓬雨  
比似山窗聽更多

天和遠水共冥冥司業清歌落洞庭斜日登牕望秋色  
君山何似蜀山青

黃公壚近同遊遠消息難憑可奈何分水津頭逢汶鯉

南書多定北書多

湖堤新漲不分陂船滿城陰放溜遲半夜月明聞笑語  
江南江北兩迷離

泊南池

雨過城隅淨分明杜老詩停橈就森木況值晚涼時秋  
淺風生細湖平月上遲相逢無白也何處說襟期

太白酒樓歌

高樓勢與秦岱平樓邊夜夜輝長庚仙人猶似戀陳迹



長援北斗東南傾當年賀監早相識長安論詩青眼明  
金龜換酒定何許酒家恨不傳其名任城地好富水木  
憑高縱飲神崢嶸當時我若接杯棗豈復於公為後生  
今來隔水望丹雘棟雲簷雨紛縱橫君不見少陵詩臺  
留魯郡秋草蕪沒飛流螢又不見曹王陵墓碣礫北殘  
松積蘚荒碑亭雪泥鴻爪半漸滅雄名空自馳風霆文  
章故是身外物敢與麴蘖相爭衡文章殉人酒殉己此  
論雖創堪服膺舒州長杓力士鎗公昔與之同死生我亦

欲與尋前盟重來大醉槌黃鶴吾言不食星辰聽

昭陽湖行書所見四首

湖上人家無賴秋門前水長看魚遊當窗暮暝西風網  
時有行人來攬舟

白波如沸浸溝塍木黍菰蘆互作層棹入青蒼前路夕  
半規秋月起魚罾

屋角參差漏晚暉黃頭閒緝綠蓑衣倦來枕石無人喚  
鵝鴨如雲解自歸

微子山頭隱曉霞  
濕雲濃壓峭帆斜  
迴風忽皺平湖水  
雨立船舷看浪花

泗上亭

漢祖遺墟古道旁  
秋波東去管興亡  
驪山氣向沙邱盡  
泗水雲連芒碭長  
豪吏寧知季成事  
沐猴安得帝歸鄉  
賈生漫會歌風意  
前席無緣問四方

大堤歎

大堤宛宛蛟龍形  
長偃通津驅不去  
夜來風雨天河翻

一半隨波忽東注長淮失勢常恐傾尺土猶使殘黎爭  
縛茅編荻學蟻聚十里喧喧歌哭聲堤邊村落由來少  
況遇洪濤跡如掃雞豚兒女未全漂相喚相牽此相保  
秋陰茫茫晝不分遶堤時有雷霆奔桑田若復變滄海  
天大神州無去門年年築堤不作力今日堤頭留一息  
督河使者不煩催來歲築堤如築室

新晴過駱馬湖

日射曉帆紫始憐湖上晴持篙雄意氣振柁碎波聲樹

動風偷轉雲飛鷺  
逝明故鄉沂泗水  
從此送南征

渡河

濁波騰蹙轟雷吼  
百萬驚龍盡東走  
片帆巧坐西風頭  
眼瞥弦開箭過手  
長年輕趨空自誇  
山翁變色愁且嗟  
借問高人長嘯意  
正臨秋水誦南華

淮安城西泛舟

名城銀甕西數頃  
碧玻瓈舟上平橋  
迴波銜雉堞低秋  
林空露杪夕照不  
分堤他日懷今雨  
香塵撲馬蹄

高郵

不見秦淮海煙波恨不平空餘半鉤月猶照覆孟城柳  
帶平阿暝珠涵甃社清扣舷歌楚些淅瀝動商聲

夜泊揚州

雨過江城半夕曛維舟就夜思紛紛碧波送客忽千里  
明月迎秋剛二分亭榭誰家堤畔柳烟花南部海西雲  
浪遊莫問前朝事付與濤聲浩蕩聞

渡江

曉霽開江路秋風動海門波濤天不極舟楫道斯存遊  
子苦無著榜人相與言地吞三楚盡水汨百川渾帆席  
輕雲颺舲船渴驥奔烟姿媚南服山意改中原時事歌  
黃鵠佳期望白蘋逃名終泛宅浪跡莫招魂荷芰衣前  
製澄清志漫論祇應羨詩老

謂阮翁

持節問岷源

### 望金山

窈窕凌波姿合在中流佳臺殿勢難安參差欲飛去天  
龍謹護持日日濺花雨翻疑妙高顛上接諸天路憶曾

望神山但見濛濛霧巨鼇畏動移靈境欣指顧吳榜輕  
可涉海潮曉方怒帆腹飽西風揮手成前度

惠山

孤壘空明外連岡翠靄間一杯分雪乳夾道指名山聞  
道康王谷飛流不可攀由來天下士脫屣去人寰

野泊對新月口占

欲飛欲落螢火明為官為私鼓吹聲溪頭月上菱角曲  
水面舟浮蓮葉輕



過蘇州

楚江烟雨送行舟  
偷得吳閭一段秋  
竹樹向人皆秀削  
山川隨地自清柔  
嬌歌軟舞時時酒  
貯月延風處處樓  
聞道滄浪有遺策  
故應許我問菟裘

柔艣行

纖纖岸草蛩蛩鳴  
嫋嫋湖風鳬雁聲  
且前且却似含態  
乍斷乍連如有情  
遙添野響秋山晚  
細入離心鄉夢短  
枕舷倚酒夜厭厭  
水濶天低烟月滿

平望舟中長句

吳淞流水清且妍，越波鱗鱗要我前。  
孤舟翩如來自天，微風不動舟如山。  
幽人寂坐無一言，條吳條越心流連。  
秋容十步一圖畫，爭與我目相夤緣。  
青林蕭森出雲烟，位置有意無意間。  
擺極萬頃平不翻，細雨淨綠生長川。  
如斯景色故不惡，只少碧嶂攬天寒。  
曾凌滄海攀日觀，下視不覺成微瀾。  
豈以松柏獨貞堅，遂欲翦棄桃李顏。  
峩冠長劍神宇聳，曲眉嫵目遺視矐。  
二者正使交生憐。

虬鬚蟬鬢皆便娟試將我語問西子  
淡晴濃雨誰能偏  
桂櫂蘭桹肯我延飽看湖月秋中圓

寄朱竹垞檢討村居

江村水榭澹秋烟不見幽人思悄然  
往接簪裾三殿側  
近聯蹤跡五湖前老為鶩脰漁翁長  
間上鷗舣估客船  
各有彈文留日下他時誰作舊聞傳

竹垞荀著  
日下舊聞

石門縣晤吳青壇顧詩城二同年詩城  
皤然矣  
青壇學道而意境殊不佳詩以慰之

語兒亭邊開竹林故人潦倒來披襟黃冠白髮訝相見  
蓴菜鱸魚秋正深我邀酒徒同釣艇卿無瓢落猶蓬心  
天台高高攜手去一度石梁何處尋

論詩二絕句

畫手權奇敵化工寒林高下亂青紅要知秋色分明處  
只在空山落照中

無絃祇許陶彭澤會得無絃響更長若使無絃亦無響  
人間悅耳足笙簧

曉駕小舟詣西湖至昭慶小憩

塵蹤落名境茫昧失所擇欲尋湖山去竟被人烟隔寒  
溪一徑通短棹破濃碧由來訪仙源必藉漁舟入鳬鴨  
晴自散菱荇露猶滴微微日上衣渺渺鐘迎客山僧開  
竹房焚香設瑤席斥鷃亦逍遙崇朝且休息

西湖

輕舟晴夷猶湖水秋淥淨客心與物態曲折入明鏡東  
南結秀異江海呈清瑩空含天地姿細寫烟月性龍潛

惜不翻潮遠波常定盡收山色妍豈藉朝陽映林巒紛  
重疊並進請主盟始疑造物意故遣護靈勝寺將城錯  
互隄與雲橫亘那能罄登覽且復恣游泳水仙不可招  
孤立發浩詠幸濯纓上塵高情託越榜

中秋夜與涇陽劉西谷編修吳山對月

東見千里江西見十里湖寒光歛合離蕩此秋月孤吳  
山秀接天月出當其前登高莽四顧清暉滿人間遠心  
忽飛揚南北同一圓我乘白黿越滄海君亦赤鯉辭秦

川憶從燕市別九十度盈缺寧知來此地復共今夜月  
雄城百萬家歌吹方闌咽邈然山顛客一笑兩幽絕明  
日扁舟江上風思君獨在湖山中

飲宋聲求比部庭中桂花下

入室如山幽愛君展心晤颯然湖上秋集此庭中樹淡  
月漾杯空微風落香雨

晤洪昉思聊答贈

頗憶旗亭畫壁時相逢各訝鬢邊絲早知才薄猶為患

正使秋深總不悲吳越管絃君自領江湖來往我無期  
祇應分付亭中鶴莫謂風高放故遲

鳳凰山下感南宋遺事四絕句

鳳凰山樹夜棲鴉月識前朝天子家故國不和江在眼  
荒岡猶遣石排衙

簾捲江湖紫禁清山勝艮嶽是生成不知雲月芙蓉閣  
何似風沙五國城

如霜瓶塔點秋陰雨洗名藍舊殿金凋盡梅亭千綠萼



贍栽珠樹入仙林

寺名

莫問宵分玉輦蹤  
觀堂香霧翠寒松  
却教詞客閒支枕  
聽徹三茅觀裏鐘

雨中錢塘江登舟

息棹六橋曲  
西湖不我留  
徑去勿返顧  
趁此江上秋  
八月天宇廓  
千里風力遒  
潮如萬山雪  
胥怒殊未休  
身非弄潮兒  
疾呼轉船頭  
蕭條飛雨來  
洗我懦與羞  
西南江山麗  
可以窮討搜  
坐覽雲木秀  
卧挹沙水幽  
宵為漁浦

濟明追康樂遊

富陽道中

烟含富春郭雨潤赤亭山  
矯首短篷底秋風凋客顏  
蕭蕭楓柏暮中有屋廬間  
遙羨幽居者清江照閑關

嘲同舟藥翁

罷酒顏不改先霜鬢更寒  
沙頭小蹲立真作白鳬看

桐君山

仙人偶休息名與此山分  
何不隨黃帝而來卧白雲荒

亭留鶴怨遠浪蹙龍文好去空巖畔栽桐長對君

桐廬

烟裊寒山似在空三江合處碧濛濛迴舟忽入樓臺影  
無數人家秋雨中

富春山下口號

浮家水愛掇藍色垂釣山依疊翠屏到此偏宜棄官職  
前身恨不妙丹青

嚴先生祠墓

先生高卧耽江山下見漢火燭復然直鉤而釣心悠閒  
一朝蒲輪賁空谷直上九重企兩足麻蹊戲閣天子腹  
帝座巍巍不少傾千秋此帝容客星潛光歸去天冥冥  
遺祠正對高塚開雲林烟水清無埃原陵荒草誰低徊

即目

木芙蓉發江之濱鏡中溪女明妝新客心無賴望楓樹  
樹裏畫眉啼向人

雨登八咏樓臨雙溪聽彈琴

登樓懷八咏俯郭見雙溪梁日不可接越吟空自悽江  
沉寒雨淨山入暝烟齊此意憑誰領清琴有客攜

阻雨不遊金華洞金華明府鹿友兄為言三衢  
山中有仙人樓閣居絕壁上人跡不可到而望  
之甚真近亦每施丹采余心異之乃記以詩

神仙樓閣難近傍魚龍就海摹其狀天風亂捲入雲烟  
剩遣人間道虛妄羣仙大笑憫愚頑顯以靈通布疊嶂  
飛簷下視白日流洞戶重開翠微上不知厥地誰主宰

不知厥宅誰營，  
孰構造知用何材，  
木執作知用何工匠，  
或依帝所宮闕形，  
或倣世中屋廬樣，  
傳聞藻繪屢增新，  
豈有塵氛得遮障，  
丹房紫翠出囊區，  
咫尺金華庸敢抗，  
赤松定已久移居，  
故洞石羊兩相向我，  
從早歲佩豁落，  
幾抱殘書按脉望，  
二勞曾乞紫霞餐，  
萬里終持綠玉杖，  
搜身何日排青冥，  
揮手同時謝讒謗，  
待兄扣壁喚初平，  
遙見松扉一鶴颺。

自龍游至衢州雜感四絕句

石子爛斑界穀文凭舷弄水到西曠溪山合讓巖陵好  
祇愛今朝不受雲

每聽灘聲憶鼓鼙張公端是稱鬚眉於今姑蔑餘秋色  
不見西風掣大旗

人間勝負能銷骨仙客遲留只爛柯樵叟歸來應有語  
可知無奈斧斤何

白首清風琴鶴俱千秋作計信公迂都來鶴瘦琴材薄  
直得兒孫一飽無

泊常山明日將山行

北客南來擲馬鞭，漸於水宿得安便。  
忽逢楚越相參處，無數青山阻進船。  
麋鹿定尋筇杖約，鳬鷖猶傍柁樓眠。  
此身牢落如秋色，不擇江風與嶺烟。

坐竹兜子中戲為其狀

逕紆萬重雲，身寄一片木。  
知我不能緣，橫施兩竿竹。  
擁腫氈裏石，睢盱籠盛鹿。  
宛披山海圖，穿胸下垂足。  
林風吹蹒跚，世路悲卷局。  
却憶故園秋，黃牛牽碌碡。



泊廣信懷馮三躬暨

高溪碧玉流石瀨戛我舟偶隨豫章客欲向彭蠡遊江  
湖本無主客遊亦無期夜泊信州郭忽知秋氣悲一杯  
亭上月獨照離憂發渺渺不能止綿綿思公子

葛溪

曾淬芙蓉色寒波照眼明人間千萬盡天上斗牛橫剩  
有匡廬畔雙峯插紫清擬將歐冶子西去問豐城

望仙人城

翠削四壁合空山誰定居高秋動雲物西北接匡廬雅  
意仙城主神官不見除醉邀弋陽月飛夢入清虛

九月舟中無酒對月放歌

我不為劉寄奴六軍大饗陳菜蔬又不為孟參軍龍山  
風高帽落雲貌貅百萬齊俯首蓋世勲名一杯酒窺竊  
神器稱王公齟齬自古非英雄元子鬚如蝟毛磔絕倒  
謂有如此客是兒不死更數年宋公應輸捷足先坐中  
俛仰供嘲弄寒賤依人殊可憐丈夫失意江湖上別有

重陽發幽賞牽船就岸暮到家何妨無酒無黃花況復  
林間故人在娟娟寒月生天涯月照昔人空已矣默看  
時節東流水獨食陰氣御霜風不放清光懷袖裏

江岸竹林板屋石路下屬注目者久之

脩竹連江色誰家屋數椽翠侵簷側出烟沒徑空懸  
躑隱思投足乘流不繫船遙知俯視者亦羨我悠然

晚陰舟行

空波與淡月漫漫同一白長年與遊子泛泛同一客漁

火起微茫沙禽驚格磔前山如雲屯獨樹作人立我行  
數千里攬此秋暝色浩歌合重陰天地了不隔何事楚  
三閭長悲俗迫阨

彭蠡湖

顥氣中流轉烟光四周遭層波碧離離秋色寒滔滔冷  
然乘風遊託身任毫毛仰觀天垂幕旁見林露梢山移  
舟向背日蕩心飄搖北望千帆走燦若組紉交五老雲  
外笑人世心魂勞我但唱小海君其歌大招

望匡廬不可見

香爐烟散半湖雲舟入荷陂

地名

水又分却羨沙頭雙白

鷺潛隨明月過匡君

野岸疎籬始見黃菊

目愜重陽後黃花倍有情雨畦留駱賞柳徑得陶清背  
槽看鄉縣傾杯隔弟兄誰知秋向盡初訪豫章城

微雨登滕王閣望西山

秋明帝子閣雨起真人山乘高掃雲霧江動襟裳間孤

驚時自飛珠簾誰復懸驚風送林響浦淑蕭蕭然我從  
帆檣中直擬鸞鶴顛倦目極縹緲遠想窮清寒昔人文  
字名幾隨劫火烟豈如洪厓井玉雪長崢嶸偶陪湛露  
遊長嘯終來還日夕見州郭世塵縈苦顏

南昌雜詩八首

梅仙禮斗壇

舊觀秋深北斗寒嶺雲長自擁仙壇不因老尉焚香拜

爭得元公旋席看

謂王莽隨  
斗柄而坐

孺子墓

欲致生芻意轉哀  
思賢亭沒雨荒苔  
諸侯滿眼俱懸榻  
遮莫南州高士來

鐵柱宮

聞道神功此地偏  
靈池八鎖尚森然  
潛蛟不起江湖濶  
野客閒吟寶劍篇

翻車徑

許真君  
個人事

攬轡埋輪非我徒  
酒樽詩卷世何須  
從今便覓鉏耜去

準擬仙山學仙夫

寫韻軒

好婦相隨便作仙書生的有夙生緣可憐十載鍾陵市  
費盡人間買韻錢

昌黎碑

千古韓碑付渺茫子安雄據少年場盈川已負同時恥  
至竟吹噓荷馬當

蘇圃

張德遠云雲  
卿今之管樂



虎帳酣眠是壯猷  
故人龍卧隔三洲  
爭教管樂輕相笑  
大有人呼作武侯

東湖

不見陳陶栽紫桂  
漫從徐俯釣金魚  
更聞蘭若龍沙北  
龜策何年為卜居

江上逢鄉人歸

霜楓落葉暮江頭  
南信風飄北水流  
浦外漁歌催短景  
樽前齊語起離愁  
三秋獨送還家客  
萬里仍依上瀨舟

好去津亭問殷羨何妨聊作寄書郵

夢大木

本自長相憶非因夢始明如何隨落月迢遞到豐城劍  
沒星虹氣秋添故舊情壯心與離思催看二毛生

夢迴

萬里烟波八尺舸夢迴客意更蕭騷江聲夜入枕衾急  
帆影曉參雲月高白雁風來迎翡翠黃桑葉盡熟葡萄  
南天濶遠秋搖落歸去酣眠對二豪

吉水咏雁字

戲海遊天得幾迴家雞野鷺任相猜山陰道士無由換  
特地文江照影來

廬陵感懷先叔祖觀察公昔巡湖西發奸靖寇  
著有異政實駐是郡矣

霜凝沙渚白於銀缺棹澄波

名門

獨愴神夜火不教驚過

客寒廳無地問詩人功成寂寂江山色去後騰騰戰伐  
塵為道九京荒宰木還應三戶泣遺民

無風沂江崇朝十里忽得午風快然成咏

欲知舟上瀧譬若魚升木因循日高春跌宕一曲歌  
岸黃葉林諳數參差屋翻疑白下山苦戀篷際目何來  
快哉風徑為帆鼓腹又如絕塵馬或是避弦鹿奔雲亂  
鵝鵲碎浪喧琴筑列堠爭送迎顧揖不暇矚榜人嘯問  
逸余亦謝拘束濯髮消繁流何心誚賜谷

小泊萬安

帆落魚梁北前山合萬重遙知欲惶恐且復此從容郭

靜聚洲鷺灘長吟峽龍五雲不相借獨去採芙蓉

五雲閣在

江渚隔岸  
為芙蓉山

惶恐灘口號

斜陽一線繫金船鴉軋橈聲尚滿川何處人間不惶恐  
羨他高雁入青天

行十八灘中

灘行日百轉轉轉山四圍寒流中屈曲鬱怒不自持秋  
凜肅殺威陸發龍蛇機迴風地底來雷雨皆倒飛亂石

勢騰攫獍惡各異姿似嗔舟船逼列陣前相追篙師工  
避就色授頤指揮蓄力爭毫髮同心生坦夷遊人閱奔  
峭快意耽幽奇秋雲搖水壁杉竹森下窺弄波情無極  
棹月願猶違夕陽駐西嶺為我延晴暉

晦泊大湖口灘行三日矣

豈意隨漁父他鄉斷送秋炎雲浮庾嶺清漲阻虔州征  
雁寒呼客跳魚夜打舟自憐同贛石留宿遍中流

十月朔日雨中即事

峽雲壓船如連屋半夜灘聲攪眠熟天明坐失烏影翻  
林靜遙聞鳩婦哭起看厯日一怙悵暗數蟾光幾盈胸  
故山此際正荒寒萬竅號風搖北陸祝融南紀肆炎威  
餘力猶能庇草木雨師附熱走且僵為致庶纖洗濃綠  
黃楊烏桕氣鮮新蔗隴杉岡烟斷續凝妝乍愛紫艷垂  
避濕還憎白鳥簇水程和緩衣裳宜歸夢生疎歲時速  
心期飛步羅浮巔荷笠披蓑杖筇竹四百三十二峯青  
晴望超然雨亦足

發贛州數里阻雨野泊

峭帆濕落鬱孤西千里彭江咫尺迷却坐荒波愁渺渺  
真成久客耐淒淒有情白鵲雲偏暗無賴黃茅瘴易低  
遙羨青鞋持杖去梅花嶺路不霑泥

咏江岸拒霜花

露浥風翻裊裊枝可憐閒澹與霜宜江妃無語空含睇  
妬殺天寒獨倚時

南康縣



水縈山詰曲千折到南康孤塢穿帆影迴江納夕陽風  
聲撼橫浦峽勢寫瞿唐莫問嚴城戍時平漢寨荒

遙見

松雲翳懸瀑遙見是何山定知會寒流赴我急棹前白  
龍困魚服屈曲隨泥蟠方其為霖雨可望不可攀所以  
巖棲者沉冥長閉關

南安贈逆旅黃翁

城帶寒江居者清主人白髮稱書生行來欲半地南北

愛爾不知余姓名似訝狂夫重問訊憑將前路話分明  
宜城春酒名盡夜霜薄一笑出門雞亂鳴

度大庾嶺詠古

昨辭灌嬰城今陟梅銷嶺朝光未放壘嶂開一碧微茫  
千丈影前行岡阜紛藉重林間石磴垂虛空緣壁直上  
蟲脈脈出峽欲落雲容容獨立天風一迴首古來地勢  
東南走中原山嶽莽縱橫海徼川原吞八九莫言形勝  
關興亡秦人當年此啓疆祖龍自用千軍守故吏翻稱

五世王陸生行處餘幽賞  
伏波定後多來往  
無雁能裁  
遷客悲重關不隔降王長  
漢文皇帝一緘書  
神武千秋  
總不如君不見南征多少  
熊虎將崩頭却祀張丞相

張曲江祠

丞相祠前古木齊  
舊開闢路俯丹梯  
君王底事憂南越  
不遣經營劍閣西

梅闕公開元  
初奉勅所開

泊修仁水口對新月

今夜三楓月離家四上弦  
天池何處徙北斗不勝懸  
舟

楫欵韶石衣裳入木棉却尋過嶺路歸夢滿風烟

食檳榔戲題二絕句

猶自清冰趁齒牙強含瑪瑙嚼硃砂怪來老將風前唾  
也點昭陽袖上花

侏儒從遣笑長飢舌在唯應韞秀知忽憶金盤盛一斛  
丹陽老尹是男兒

曲江咏文獻公

覽古江仍曲懷公我欲愁無心應避隼作扇不禁秋汗

竹迷金鑑琴泉咽寢丘

公自題園林句  
云風泉何必琴

憑誰問風度山

鬼競搔頭

野泊聞蟲鳴

不放秋聲絕冬吟聽更悲岸船相掩處烟月未分時故  
向風霜語如矜天地私微生吾識爾端是與炎宜

舟中觀英德瀕江諸山

毒溪收亂流炎海縱輕裝羣山似相識左右獻奇狀赫  
如鯨波怒雲雪立疊浪燦如季倫豪青錦排步鄣氣鬱

水木秀勢倚霄漢壯橫江失全照急景迷定向高帆忽  
飛動遠目屢得喪誰知英靈姿競進無苟讓顧望恣恢  
詭登臨阻雄曠幽巖落鐘聲結想烟霞上

讀故人王南村副使憶雪樓詩喜聞其尚在廣  
州遙寄

獨卧羅浮巔長憶寒門雪豈知萬里心空落我眉月我  
眉山月秋照見南海頭故人吟嘯風颼颼問胡不行為  
我留我家北海側雪花大如席偶來巔表遊亦作懷鄉

客作客何期與子逢  
買舟疾下趁天風  
蜀江且願持為酒  
共醉海山明月中

乘風度湏陽大廟清遠三峽

急峽束奔流  
高風縱客舟  
蛾眉含意別  
中宿有情留  
斜照侵帆遠  
輕烟到月收  
孤懷信漂泊  
江海日悠悠

晚望飛來寺

寺有歸猿洞

東峯微靄西峯黑  
萬樹雲濃蘊江色  
名藍紺碧香難尋  
疑是飛行夜無迹  
佛燈忽閃光青熒  
殿角暗與船欹傾

金史四庫全書  
卷五  
山風吹過松門去十里月明猿嘯聲

聞鷓鴣

擁棹聽南禽寒風生夕陰月黃江淡白山靜竹蕭森為  
客欲萬里此行違寸心殷勤相勸意空入榜歌音

暮抵廣州

扁舟忽南海萬里又黃昏落日動江色寒風生虎門遠  
鐘催蜃唱微月逗珠痕

江中有  
海珠石

沽酒酹歸汐此波連故

園



訪南村不遇題寓齋壁

故人卜居處門對碧海間海上無心雲送我來扣關應  
門僮僕靜晴日棲簷端照見讀書室隙風亂塵編爐香  
寂不發庭樹寒自妍思君在何許窈窕西樵山雲峯七  
十二峯峯落飛泉遙知客中意擬謝區中緣聞當詰朝  
還一夕劇十年且復拂君牀遺夢相留連

下榻於南村氏

前守惠州築憶  
雪樓以書招余

他時憶雪樓頭望懸榻江上待我來今日越王臺畔客

對牀懷抱為君開乳蕉花下風落橘荔子林中香綻梅  
共醉不須論往事南溟清淺易生埃

寄同年張潮州勅齋余不日將詣之

潮州東去尚千里每聽潮聲空憶君遙意髭髯渾似昔  
昔送張出守平樂有句云珍重殊方嵐霧裏他時看取舊髭髯故披瘴癘一相聞山寒

麋鹿心無主海濶魚龍氣不分報到春前多釀酒待看  
官閣雪紛紛

與陳元孝王蒲衣兩處士夜坐論詩

老大兩布衣宴然當世士各出一詩卷邈矣古男子嶺  
南冬亦春坐訝清寒起乃是冰與雪披拂懷袖裏我行  
窮萬里所遇無可喜今夕忽欣然風燈落蓮藥

長壽庵贈石漁上人

近始浮海  
歸自安南

城西聞磬處寂歷贊公房池聚碧海色窗分絕域香樹  
形龍聽法

庵有老  
榕甚奇

僧病鶴還鄉頗愛宗風大能知楚客

狂

樊檢討崑來招同劉郎中省齋梁吉士藥亭及

南村元孝蒲衣雨中泛舟小港橋

是日天大寒北風落潮早郭外霜雨深水南溪山好高  
賢命彩鷁狂客躡朱鳥相與寫勝情殊方事幽討寺荒  
花木榮地迴人烟少杯鳥凌空明歌呼動莽渺酒酣起  
四顧海氣橫八表諸公濟川才飛動意未了吾與二三  
子仙期緬雲島東去訪泉源青春長瑤草

過六榕精舍

門榜大蘇書遊人到不入鐘魚發妙音花藥引深室無

言玩香烟我欲來卧疾

光孝寺懷古

寺有南漢鐵塔刻上柱國龔澄樞同女弟子鄧氏及大寶六年云云

走傍菩提訪夙因  
王園鐘鼓尚清新  
功曹舊種訶林老  
丞相經臺瘴草春  
誰向曹溪分滴水  
還開蓮社待遺民  
翻憐大寶年中塔  
龔鄧分明是主人

題光孝寺風幡堂所藏貫休畫阿羅漢像二軸  
各一首

老宿寫經經在眼  
千偈歟隨電光轉  
山精灑掃倦欲眠

擁簪而僂人衣冠小師欲語不得語微笑當庭白日午  
人天湛然池水空殿角颼颼幡動風

打包何來自西竺憩足昂頭觀有欲猿公低樹如有言  
山僧無我何見聞一雛如拳綴母背非人可以人理會  
爾曹攀枝無損根此物云是菩提身

示善相人曾翁

入洛英姿早出塵天涯顛顚二毛新忘情未必非吾輩  
不相應知是至人嵇阮形骸從土木鄂襄圖畫冠麒麟

百年且作千秋語記取相逢見在身

石公刻所著海外紀遊集未竟余因以觀海詩  
屬之復有此贈

巨海匯東南茲惟天地藪古今相波濤萬象入涵負疑  
是造化源永與虛空守豈復世間人智力能挹取偶藉  
君中書頓忘身芻狗不覺荒忽形遂為耳目有師應異  
國請持杖歷南斗杯前罔象趨鉢底毒龍吼我登之眾  
巔十月羣靈走貌得三神山烟雲落吾手高吟非酬和

萬里互先後譬如懸黃鐘噌吰同一扣竭來此相見欣  
賞意良厚海山長嘯時却憶無斯友仙城多好事傳誦  
畧上口隨時遣流布投報任琚玖別期我已卜大業誰  
不朽他日俯鯨波相思各迴首

與元孝南村登鎮海樓

登樓窺元冬滿目盡江海三城颯雄風五嶺凝寒彩高  
天如可捫短日復誰待太息越王臺乾坤爾空在

朝臺



西拜心懸千步臺，梟雄氣盡陸生才。  
三門洶洶寒潮急，

猶應當年朔望來。

潮以朔望大上

歌舞岡

岡側即南漢呼鸞道

老尉高居作好春，呼鸞相接海揚塵。  
青山不肯留黃屋，翠羽時來學舞人。

花田

南漢宮人，莖處產素馨花，獨香。

淒迷雲雪繞昌華，盡是劉郎解語花。  
猶有芳香未銷歇，可憐烟草玉鉤斜。

石門泉

春風薇蕨首陽田洗耳清流亦偶然一自沉香有遺浦  
更無人解飲貪泉

別意答南村

十年萬里欣相見相見知應有別時晨夕陰晴經月酒  
江山魚雁幾篇詩祇言渺渺他鄉路動作迢迢隔歲期  
試問雲中望桑浦何如天半倚峩嵒

過南海廟以晚不及登呈同舟王明府

暮江瀲灩潮欲平林間金碧搖空青波羅古廟昏自局  
昌黎文光閃列星駱越銅鼓寒有聲祝融此時朝百靈  
海風颯颯雲冥冥扶胥龍魚紛送迎北人屏息不敢庭  
相與閉船火熒熒對語參差鄉曲情鄰舟互猜浴下生  
呼褚季野為荒傖自笑所至人易驚不如去訪朱青精  
天雞夜半開層城與子撒波可以行

望羅浮

昔遊東海觀蓬萊宮闕晃朗金銀開扶桑墜枝生夜夢

火輪飛破琉璃堆南紀羣真羨奇麗狡獪驅石鞭龍雷  
偷移左股置戶牖青天突起瑤石臺飛雲列墜引羲馭  
欲與岱嶽爭風霾朱明洞中夜奏樂瑤池半入流霞杯  
巨鼇伏罪坐失守千年斷骨森皚皚我是安期瓜棗使  
泉源主者無嫌猜乍可老人賜顏色敢向玉女通談諧  
擬尋松逕窺上界鳳凰去作高辛媒珍禽聯翩逐貴要  
洞天猶爾吾何哀神丹火冷竈土埋虎啗詎敢瞋狼豺  
靈異剩訝仙壇竹橫斜莫問荒村梅空明九百八十瀑

不為逋客前塵埃片帆搖曳蕩寒碧長烟落日相徘徊  
江迴目徙幾圖畫持較登眺誰為佳譬如對酒不得飲  
且復飽玩金尊豐東皇大笑君休矣春色指顧生陽崖  
赤芝青飯久相待但欲掃灑太古苔會探風雨合離處  
袖擘海山歸去來

晚陰泊惠州懷南村

高城結愁陰我亦憶雪色寒烟斷續生曉曉鶴峯白  
美人隔層波悵望江湖夕孤夢耿殘燈微風聞嘆息

舟中阻風寒甚飲博羅所齋酒却寄明府王靜齋同年

別酒難成醉  
攜樽獨上船  
客過長至後  
寒逼大風前  
不羨高齋夜  
雄談動四筵  
真成狂賀監  
水底恣酣眠

夜泊龍川

猶有秦時縣  
雄名割祖龍  
江盤鱗甲影  
天拓斗牛封  
地古生新月  
城寒隱夜舂  
欲尋老夫宅

志稱城西有趙佗宅故址

山郭

滿雲松

山行二首

回頭謝舟子前路入寒山徑上風中曲人從水面開勝  
情忽飛動著脚向孱顏連夕還家夢依稀林壑間

嶺自秦皇關人傳韓子來地形殘未造天意挫奇才薄  
日光難定橫雲鬱不開千秋餘過客失路一徘徊

長樂道中即目

雨寒山淨屐無泥野濶江分路向低井邑入雲皆繪畫  
田疇隨竹忽東西尋源漁子迷秦代買宅嘉賓誤剡谿

殘臘過時春更好却防勾引子規啼

興寧縣登小舟

梅溪三尺艇相待  
沍寒時歲暮江山合  
遊人有所之傍

城烟蒼茫返照水參差攬轡亭前路

亭在縣城西

澄清付與

誰

蒼茫並  
上聲

月夜泊程鄉

和月到梅州江烟澹未收  
落帆聞擊柝映郭數維舟  
客思頻清夜波光自白頭  
遙應結幽夢仙嶂百花洲



蓬辣灘

烈風送奔灘跌宕入新險遙收百里聽近懾千夫膽林  
壑勢迴薄雲日氣蒼慘騰波盡起立巨石屢驚閃寒雷  
閉厚地積怒時一撼半帆舒鳥翼疾下不容掩迴思賴  
江平坐羨楫師敢何必歲息息遠遊本多感

對酒贈拘齋

海天流素月照見故人心渾似中宵夢何知萬里尋北  
風催換歲南斗近低參離思比樽酒與君論淺深

潮州鳳凰洲

江上洲平沙水碧何年曾見鳳凰飛  
偏宜晴日望山海直上高樓當翠微  
雲際清歌人命酒春前綠草客思歸  
憑誰添入閒風景脩竹滿川梧四圍

除夜雜感四首

閒身戀殘歲相守海南偏舊厯隨燈盡  
春星傍戶懸客愁先入醉歸夢不知年  
迢遞今宵漏遙同故國傳屠蘇連少長  
此夕笑顏開雪意低迷夜燈光晃漾  
杯坐

中應道我歲盡未歸來萬里三更噫鄉心一倍催

南國冬多雁無因覓北書妻兒愁病隔江海歲華虛星  
斗移遊迹烟花近敝廬可能和燕燕春社咏歸與

故人為郡處留我似平生失意無親戚他鄉有弟兄年  
將人荏苒春與酒逢迎莫漫耽良宴來朝別有情

潮州昌黎廟碑東坡手書者久亡後人摹刻者  
亦毀拗齋礪石要余書之因繫以詩

潮陽文物區韓公實肇造至今牛斗間光焰纏遺廟湯

湯惡溪流鱣尾不返掉我我筆架峯嘉樹留他耀庭陰  
映江空碑勢挾山峭蘇公振雄詞言大而體要仰追申  
呂生深契天人奧衣公雲錦裳騎龍發長嘯兩公於二  
代日月迭為照陋儒肆謗譏吾意甘灑掃遊蹤接後塵  
適願忘絕徼殘碣手摩挹悲吟向同好使君苦要余炫  
弄娛母貌寧辭白茅藉從被青雲笑我擬謝塵賞春風  
理歸棹孤琴南海頭寄此千秋調

寄生榕

羨爾參庭樹清陰自一隅已看礙雲日誰復辨根株

龍葱竹

池上綠脩脩軒窗映更幽夜深烟月好記取鳳來遊

香螺

玉腕雪芬芳珍奇遠尚方祇應海南客大嚼傲含香

人日韓江歸興

春寒晴壓空江水山翠雲光蕩船尾篙師撾鼓作迴颿  
萬里還家從此始人日他鄉人別離郊原新綠已參差

卷五  
遙憐沙渚多陽雁肯向東風更退飛

山行遇雨同拗齋

蠻烟烘日晝長曛箬竹穿林望不分雨逐君車何冉冉  
花霑客袂故紛紛同牽直北山中夢共踏窮荒海上雲  
梁甫春嵐太行雪不知底處勒移文

朔嶺南梅花

芳香已是輸巖桂細碎還堪比澗毛莫更因依林處士  
何當刻畫鄭櫻桃

上元日微陰夕泊惠州合江樓下李督君奠原  
張燈置酒大陳百戲適聞余至遽邀登樓縱飲  
至二更雲散月出望江山夜色作歌

春風吹佳節忽來如我舟偶著循州東城下仰見城上  
縹緲之飛樓云是東坡曾居處兩江依舊前合流夕陰  
未散水烟起燈火欲動光幽幽樓中燿然煥霞彩樓外  
倏爾喧蠻謳元戎目力出賓從遙訝舟中之客狂而脩  
招邀恐不赴豈知高陽酒徒酒外無能謀軒然後至忘

弊陋四座匿笑居上頭連浮大白縱鯨吸怪語頓發談  
天鄒請君莫恨明月下相借故放龍騰獅舞照耀催歌  
喉恍疑蓬海幻冬市此身再與坡老為同遊千年境事  
定無別不識當時今夕有此主人不更深列炬已半滅  
月出皎若吳山秋河漢倒瀉萬里碧江山一氣晃朗不  
可求起揮雲片作帆席導我直上恣所投不然下可錦  
袍同夜泛懼為白鶴唐突青蓮羞聊呼鼓吹送歸卧一  
石醉矣髡不留



隔江見白鶴峯

舊館規終老眉山此買山遊人自東望江水不西還湖  
上雲難問林中舍半闕高樓晴對處風細夕陽間

惠州署寄南村

飽聞君作郡觸事得清新無訟多佳句為樓望故人遲  
來空對月近約又辜春吟繞堂前竹王猷我後身

遙題代泛亭

南村  
所築

高亭一憑眺聞道盡西湖湖闊水清淺亭閒人有無

舟何路到載酒與誰俱  
賸語名亭者他年寄畫圖

博羅訪王明府不遇口號別其二子

罷酒依微醺歸心共海雲  
臨圻絮鄉語不覺字尊君

重望羅浮見雙瀑二絕句

偏傍仙山得好晴  
泉源雙落望分明  
青精生有招人意  
白水巖惟放佛行

春到家山憶采薇  
不將蝴蝶製生衣  
何由乞取鮑君履

一化雲間雙燕飛

羅浮有蝴蝶  
繭可為布

再入廣州舍於南村新居

我行蟻旋磨君居鳩移巢萍流大海中浩浩還相遭初  
尋門巷殊漸入花樹交空齋識舊榻細雨清塵寮几間  
紛毫素屋後堆芳醪云知子當來以此為久要我已決  
歸計春風感柔條愧君惓惓意且復同寂寥同聲二三  
子過語不俟招願揮魯陽戈迴夜長為朝

聽歌口占

牢落周郎發興新管絃閒對自怡神早知才地宜江海

不道清歌誤却人

陳山農為余潑墨作山水因題贈

太息塵埃內丹青老此賢相逢在江海為我寫雲烟雨  
入竹間屋風橫山半泉何當騎白鹿同往翠微顛

悼吳孝廉文煒山帶

漁洋未識名先著謝客相知意最親

余門人謝文洽編修其座主也為

欲尋君來嶺海豈關避我走風塵

余未踰嶺山帶已入都

遂於北

土為新鬼何處天涯見此人歸索強攜遺硯去一回點

筆一傷神

山帶有硯在南村所以遺余

訓石上人惠日南藤杖因以為別

彈指與師別掉頭看我去師言不相留於法本無住手  
中八尺日南藤隨君試向家山行近雪花雨留痕紫曾  
劃蛟宮帶水腥自憐舊是山中客青壁千重岱宗北持  
歸石路聞微鏗萬里南雲疑磬聲

江上別張潮州二首

其次子隨余北來就醫

寒烟上初日雙照客淒然江水自流海春風分放船君

歸教鯉徙我去伴鷗眠揮手不得語高帆相背懸

連宵一樽酒強笑不勝傾以我思家意知君戀子情  
復  
苓隨地覓梨栗肯教爭況是關人處春深乳燕聲

佛山別南村

相逢元不意相別更無聊執手江干暮東風催上潮  
蛋  
人寒泛泛龍目雨瀟瀟復有銷魂處清秋萬里橋

計南村今

秋定至  
蜀矣

望西樵山却寄元孝南村

舟行甘午睡雨過起開襟忽與西樵對頓驚離別心  
昔來勞悵望君正快登臨春色碧雲峯名際佳期誰重尋

雨入清遠峽

危檣中蠹破天痕峽與雲波互吐吞欲取軍持驗坡語  
春江急雨水增渾

阻風泊湏陽峽中夜大雷電曉起對雨

禺陽帝子調黃鐘坐愛空山有來往二禺祠在飛來寺內昨朝宿

霧隱飛來自笑遊蹤何鹵莽峽風忽訝失前津湏水翻

能泊歸榜孤舟萍梗仰陰崖敢以微軀觸罔象夜深魂  
魄悸崩雷便恐乾坤裂驚響羣龍久困快一伸火鬣朱  
鱗競騰上地窮川嶽疑變移天遠鬼神畏鈎黨豈知作  
劇向幽人苦欲要遮縱歡賞曉披萬瀑散晶明烟放千  
林動蕭爽芳春爛漫未過半絕壁丹青劃成兩閒情留  
夢寄孱顏凍雨為余洗悵惆殷勤更擬乞瑤笙徐引迴  
風送蘭漿

英德西郊由義眉岡至聖壽寺下涵暉谷望南



山作

積雨暗江郭不知青翠濃  
寺門隱深竹磴道裊踈鐘  
北客驚春早南山為我容  
應尋讀易子谷昔有宋人讀易亭持杖歷

雲峯

飲周象九江干草堂題贈

不信君全別請看江上居  
春波洶雲雪山翠絢堦除  
劒石應蓬髓投竿豈羨魚  
眼中我同醉留醒與三間

遊碧落洞

英德西十五里坡仙有詩宋人石汝礪居此自號碧落子著有琴斷行世

亂峯走山幽絕壁開天罅恍然金銀宮疑向蓬壺借杳  
冥積雲日闔闢生晝夜洞戶擁驚霆飛泉就中瀉虛明  
所照映萬象森相射絡巖乳倒垂翼石枝交亞紛綸霓  
羽衣騰閃龍蚪駕知有世間人隔波欲前迓低徊抱琴  
蹤雅志牽婚嫁揮手嶺海間茲遊獨堪詫

冒雨歸自碧落洞夜泛湏江飲酒示門人田英  
德及同舟諸子

雨颭仙舟似在空故教蠟炬照江紅扶筇幸不虛靈境

載酒何辭信好風三月烟花荒徼外二更賓主亂流中

州民他日傳遺事莫喚閒身作醉翁

縣古  
英州

### 即事

山城日日坐淒其打探歸期未有期更被東風作寒食  
當庭和雨綻辛夷

### 觀音巖

艤舟仰崇巖不雨露自滴躡級凌空行導火捫星入屢  
轉失向背絕頂得開闢佛座積香烟出戶孤雲直輪囷

青蓮花百丈燭江色前見萬巒爭頭刺天碧非唯闊  
幽峭亦復豁胸臆安得桓子野臨波弄長笛

龍頭影山別田曉山

即英德令

分襟便作隔生期迴面輕將萬里移風雨滿江春晚晚  
龍頭影下獨行遲

舟中憶內

孤舟獨夜感春華鄉里牽人道里賒鳥語如人催去急  
刀環似月趁波斜苦將紅豆閒拋子遙意青燈病對花

十畝暖風三徑雨幾時歸到種胡麻

韶石

君不見虞庭始成韶樂時兩間干羽何參差聲容盡善  
地則陋茅土未改陶唐遺六龍南巡恣遊放江山自獻  
羣靈馳蒼梧東畔湘水曲怪石林立爭巖崎攬天拔地  
三十六形狀瑰詭神所為鴻蒙鑿處試天刃歸然列此  
左闕右闕毬門基是時鯀帝心顏怡顧視岳牧咨后夔  
胄子跼跼執器隨崇卑遠邇各有據儼然堂上堂下森

等衰始作雲波勢，綿渺既亂風雨中。  
合離魚龍騰踏蛟，螭泣祝融延竚禺陽窺。  
坐令後世聞有飛仙語，到今指似空猜疑。  
峯駝閣鳳或變化，想像當年百獸率舞鳳來儀。  
嗚呼重瞳野死竟不返，不識簫韶未奏之前此石安所施。  
舉頭一笑天低垂，吾欲飈車尋九嶷。

重題二絕句

寒風夜雨送舸艍，瀧吏相逢笑客忙。

去冬以雨夜過韶石比曉已至曲江

縣今日歸程如有約，澹烟斜日曲紅岡。

餘霞分映碧叢叢  
回首迢遙望益工  
北客來遊須著眼  
當艫三十六屏風

寒食

孤篷坐寒食猶是嶺南天  
江路多芳草春山見墓田

花明彩鷁帆席入風鷺却悔鄉書誤歸期題閨前

今年閨三

月

江梅驛偶成

海南風物向誰誇  
歸去羞看嶺路斜  
却對梅花滿枝子

人言荔子此時花

却過嶺北寄南村省齋

皆相約同行而不果

風吹歸客落千尋草色黏天蠟屐深嶺路春迴唐日迴  
闕門雲過北偏陰羣峯故掩經行跡野水能知欲去心  
忽憶故人虛結伴纁黃徙倚獨長吟

南安即目

南安之俗自寒食至月晦無日無上冢者

野烟半入嶺烟橫柳颺輕風水泛晴異地看花誤時節  
春山有女即清明客心近北翻多感沉聽吹簫日暮聲



讀藥亭吉士見贈詩戲答

玉堂故事推前輩金粟三生失後身  
傳語海頭狂賀老不應錯喚謫仙人

順流下十八灘

春水決連峽歸帆吞亂灘江山解人意  
不復相盤桓怒流如龍鱗可順不可干  
怪石如惡人形滅氣亦殫我身列御風  
舟子僚弄丸俄然鬱孤影遂著五雲端  
憶昨強沿沂目眩摧心肝雷霆爭寸隙  
性命輕微瀾人生憂樂

情曠士同一觀懷哉今所易即是前所難

峽江懷古

日出巴邱半青林飛赤烏周郎不可問古戍日荒蕪長  
嘯東風外春江幾舳艫小喬眉黛好羣玉一峯孤

百花洲

在東湖上

雨濯雲水氣春蕩葭菸烟隔城見江波愛此魚鳥間寄  
言蒔藥翁遲我當來還

重泊餘干溪書感

是去年九月無酒處

湖畔沙鷗覺往還又臨野岸弄潺湲  
三秋留恨茱萸酒  
兩度維舟首宿灣應有居人猜白舫  
空教新月笑朱顏  
青春欲盡猶為客縱伴漁樵未是閒

雨泝鄱江過貴溪

山色凝前度歸心只自迷帆遲彭蠡曲  
春落弋陽西急  
雨牽江直新林翼岸齊逢人問溪館  
沙鳥至今啼

微雨見龜峯山

弋陽江頭曉望時春山烟雨如罌  
罌桃花灘水側明鏡

三十二峯攢黛眉

弔辛稼軒故居

擬詠辛書記中興第一流慨慷詞獨絕慘澹志難酬才  
駕張丞相神依謝信州瓢泉無恙否春水漫荒邱

上饒江中灘行

西江山水工留賓長灘飛送來遊人遊人已倦欲歸去  
却遣前灘阻歸路玉溪流波清可憐秋浮一葉何翩翩  
當頭秋水落千丈翻似鈎梯求上天疾風倒吹十日雨

榜人與我同愁苦江山厚意豈得忘嗟哉信美非吾鄉

新晴

新晴玉山道水樹相玲瓏啼鳥自清曉高帆當碧空灘聲掩客日麥浪逼鄉風且復耽吟賞芳春閨未終

冒雨出金華郭行水樹中至普靜寺暮由雙溪泛舟乃返

山雲滿郊郭野水交溪路襟鳥生遠心徒御無安步南風有約來飛雨亦爭注濃綠洗分明離離半江樹新篁

引徑幽古寺聞鐘赴魚鳥靜人聲茗香延日暮仍耽畫  
舸泛復聽清歌度燈火落高城波光互吞吐茲遊喧寂  
兼夙志烟霞誤縹緲牧羊人何因展心素

再飲查春谷廣文齋中即事

夢遶陶家菊半黃重來把酒共清狂閒庭雨過桐陰轉  
鷺粟花開天夕陽

重經釣臺

嚴陵氣高潔本自宜清秋鼓枻江山曉茫茫感昨遊棟

風紛嶺繡梅雨漲灘流誰把一竿竹來披五月裘

湖上

重來清絕處容易惜餘春潑眼睛湖水如逢舊識人山  
容動明媚柳色轉鮮新顧揖桐江叟此堪垂釣緡

答洪昉思吳舒鳧

擬同向湖頭  
徧遊諸勝

雲泥蹤跡半生塵湖海襟情一夢新天下應無他勝地  
眼中能得幾高人鄴侯井畔葑成徑伍相潮頭月滿輪  
祇合香山并玉局能將文采照千春

假寓黃氏樓在風篁嶺下

故文傳  
公丙舍

湖色分明映酒杯  
山樓日夕向湖開  
已拚十日平原醉  
故就平泉坐石來

沿湖山行至靈隱寺上韜光庵四首

東南行欲徧  
苦愛此湖山  
落手扁舟穩  
隨身一杖閒  
信拋空碧外  
獨去翠微間  
惟有林和靖  
春深覺往還

增意似相要  
幽尋避六橋  
人家兼竹靜  
野徑帶沙遙  
湖勢迴逾媚  
嵐光近未消  
不須清磬引  
自識嶺峒峯



疏圃斜分徑松門正對泉  
奇峯懸異域積翠藹諸天  
粥鼓齋厨日風鈴落院烟  
無因參玉版步履且翛然

竹暗禽如引苔深徑欲封  
兩峯遙對雨三竺亂聞鐘  
湖影山腰出遊人樹杪逢  
西溪隔年約惆悵付雲松

### 湖心亭

亭開緣近郭日日足招尋  
人起隨波興湖生避世心  
秋蛇蟠處滿春燕坐來深  
借問林和靖鄰居耐賞音

### 孤山

穠桃落盡客來過更問梅花意若何便與蘭亭爭坐位  
全勝元墓隔烟波天邊使者迴車遠隄上行人飲馬多  
縱使千年有歸鶴可能重認舊巖阿

冷泉亭

珠光金色聳天闕澗響泉聲落小山才到山門生面熟  
何如却坐聽淅潺

靈隱後山

幽尋越禪局相期罄心目常令饒勝情自與佳境屬峯

壑望忽無蔽天但脩竹飛光玲瓏來襟袖漾微綠古苔  
上屐齒危徑有斷續宛轉深叢中前後失遙矚僧扉亦  
間開小構引空曲清磬落窅泉因風亂琴筑何年列磴  
石倦憇堪投足感昔共興懷鏤名徧青玉攀躋疑路窮  
欲却不可復驚見長林梢浮浮數間屋洞天倏變現尋

丈在一掬便合謝同遊茲焉躡仙躅

林盡處得韜光  
庵中伺呂仙

韜光庵金蓮池上茅屋三楹遠見江海下盡西  
湖杭城浮動其中極曠奧之趣余醉後獨往得

之倚酒大書曰直須還他第一既而成二十韻

因留別諸子

錢塘奇秀雄東南城郭江海湖相參歸墟無涯羅刹怒  
雖有木郭難窮探西湖近人逞姿首百媚併入微波含  
我曾高登鳳凰頂左右顧盼情所耽頗憎塵市接嘈雜  
日夜沸耳聲何堪湖樓今來成小住浮金耀碧輸名藍  
自矜坐卧得閒靜潛臨清鏡窺烟嵐江神海若定大笑  
繭中局縮如春蠶提壺曳杖赴林岫欲搜幽僻供饒貪

豈知造物無盡藏天心祕惜留深龕盲僧俗客日交臂  
但於池畔爭肥甘幸偕佳士解鄉導倦足造次趨沉酣  
披榛陟險就破屋山靈許我前生諳當門縱目忽狂叫  
一洗曩昔遊人慚波濤雲霧擁鬱鬱樓臺烟火浮澹澹  
竹樹前張綺繡幄峯巒競插瓊瑤簪丹青瑣碎賸可喜  
付與盪漿兒童談排空奮筆獨題品直以第一還斯庵  
羣賢齊聲和真賞擬剏丹嶂藏金函萬里茲遊殿奇絕  
歸程無復魂黯黯

雨泛蘇堤戲呈席上

湖雲乍湧帶輕雷十里平波歛滌開慣趁斜陽拋月去  
却衝飛雨放舟來潮聲澎湃遙隨榜峯影冥濛倒入杯  
從此風篁清夜夢六橋一曲更遲迴

小西湖

翠巘仍兩峯碧波餘一帶誰向西湖西經營出狡獪  
窈窕寫亭堤區分具中外狹能增曲折細易生容態當為  
明聖笑偏得女嬰愛濯足望青天世間孰者大

泊吳閶遇吳江徐電發鉞以小舟遊虎邱共飲  
話舊二絕句

江城梅雨挂帆遲，欸乃聲中遇故知。  
却向名山重上攜，手松寮苔徑夕陽時。

艇子飄搖似此身，深杯照影並無塵。  
閒評廊廟將烟水，何許堪容澹蕩人。

歸次淮安值端午觀龍舟呈閻百詩

若璩去秋  
下榻其家

五千里外轉萍蹤，重倚通明滿院松。  
人向日南懷霰雪，

路移天北駭魚龍詩囊畧遣裝增重歸興偏教酒讓濃  
簫鼓聲中渡河去相思獨上岱東峯

因園集卷五



欽定四庫全書

因園集卷六

左贊善趙執信撰

涓流集

天津喜晤老友吳天章兼贈其所主張君

走訪吳先生因識張公子能為詩人作主人此士定知  
不凡矣況復接坐來觸事皆可喜開軒解衣裳留客披  
圖史海氣曖曖橫庭除古色斑斑盈案几杯槃既雜陳

談辨遂蜂起剔抉六義微錯互八法旨門外喧闐南北  
塵共洗清心照秋水老我數年來袖手復掩耳謗多固  
可畏才盡亦知恥胡然此相見馬逸不能止蓮洋詩格  
如蓮花引我亭亭出泥滓請君高詠結交行和我狂歌

從此始

天章詩名  
蓮洋集

贈門人張逸峯坦因呈其尊人魯庵霖且以為

別四首

攜手望秋旻此行欣識君誰知滄海月近接泰山雲雅

意黃花澹浮蹤白雁分空慚向衰暮何以答殷勤

憶與尊君友重逢念載遙甘輸才不世豈謂謗同招對

酒海空濶吟詩秋寂寥眼中賢子在愧我益無聊

魯庵亦罷

官家  
居

書舍靜偏宜邀歡爾許時忘形信杯竿善謔入風詩退  
筆欺僉父新妝玩雪兒殘秋足風雨別路不堪思

努力家門重清時事業優潛鱗且寒水健翮有高秋青  
紫君如拾方蓬我可求相期各珍重鶴背與螭頭

暮春泰山道中遇雨

餘寒和曉色客路轉氤氲  
五汶入春雨千山行似雲  
塵消客馬健綠淨向天分  
未擬成歸夢今宵遮莫聞

晚晴過泰山下

時將之江南

烟披嶽麓翠帷張  
雨浥春疇細草香  
人帶斷霞過小渡  
鳥衝飛絮入斜陽  
鞭絲帽影垂垂遠  
日觀天門望望長  
嶺半桃花隴頭麥  
肯餘物色與江鄉

自濟寧至清江浦舟中雜詩六絕句

上聞下聞春水平大船小船銜尾行  
檣間神鴉忽雙落  
堤畔官蛙時一鳴

歷歷千艘北上天南音入耳  
總堪憐微風忽逼吳儂語  
却憶昌亭夜喚船

湖上殘秋隔歲情雪蘆霜樹映妝成  
漁歌喚起扁舟夢  
獨倚蓬窗看晚晴

柳帶濃烟千頃新年年空護錦帆  
春祇今飛絮憑誰管  
惟有隨波上下人

金史卷之八  
卷六  
虛傳銀漢接黃流  
迢遞天孫不可求  
雲錦織裳成幾許  
文星無數傍牽牛

桃花浪落失殘春  
鷁首風高阻去津  
三老慣知河伯意  
金錢偏與賽夫人

酬張孝廉日容大受招同朱竹垞及吳中諸名  
士讌集河上新齋見贈二首

詞場高步已無緣  
賸向江東作酒仙  
未免能為洛生詠  
何因直上孝廉船  
禾中一老晨星在  
吳會諸君竹箭偏

除却雄談似焦遂道余底事足流傳

見贈有十年秋  
谷流傳體之句

虎頭癡黠體難調客況猶憐未寂寥竹徑主人從見閉  
桃源居者徧相邀憑將文酒塵如滌何必湖山夏可銷  
魂夢勾留知有處綠楊風外赤闌橋

### 暮登金山宿海嶽樓二首

江晚潮半落鳴橈乘好風欲尋浮玉上遙過碧虛中塔  
入山烟澹欄欹夕照紅前期欣有託海嶽一樓空

秋色連江暝憑高望欲迷汀烟向山疊漁火引星低天

闕捫疑逼龍宮迴得樓今宵孤客夢清絕海雲西

清江浦雪中飲同年楊芝田大鶴寓齋

十年相見大河干倍憶春明離別難形影似憐新解組  
鬢毛應笑舊彈冠舟衝霰雪歸猶遠門對流澌住未安  
老向天涯且同醉休論塵海足波瀾

臘日

臘日暖於春深杯引醉頻始疑寒雪意似惜敝裘人官  
闌梅千點他鄉月兩巡簡書倥偬會間殺未歸身



賦得病中送客難為別夢裏還家不當歸句各  
一首送人還青州

無病別猶難支離望去鞍贈鞭數歸路留語勸加餐好  
月遙同思殘冬劇耐寒家書憑仗寄強為道平安

不道身長客逢宵一度歸風塵從冉冉兒女故依依白  
晝耽眠過青春結伴違文書疏夢徧到日驗依稀

夷門

入關婁敬奉前旌姓氏誰聞魯兩生十日春風千丈土

夷門獨去弔侯嬴

青龍岡北渡河口占

杏花風颭榜人歌一瞬輕舸濟大河  
解道險巇有安穩  
祇應銀漢日顛波

定陶道中即目

鈿車飛鞚亂黃塵  
柳拂衫襦鳥傍巾  
看盡春風眉髻樣  
始憐曾有戚夫人

春郊即事

天  
津

偶與春郊約還將酒伴行雲烟際滄海花柳過清明曲  
度野風梟杯銜溪月生醉歸天上路十里暮潮平

攬鏡見白髭一莖自題

餘春猶自愛朝暉鏡裏新霜點頷微莫倚雄豪誇似戟  
空憐少壯去如飛鉛膏坐覺輸青鬢刀鐻歸應媚綠衣  
夙習吟拈今斷絕從知四十二年非

篆水樓夜飲

遊目偏宜傍海天高樓夜上更悠然流波遙作方圓折

明月全收上下弦客似閒雲信來往杯將清漏共留連  
主人肯借匡牀卧坐遣蓬壺到枕邊

問津園卽事

閒園有約幾回空逸興無端趁海風綠樹自隨人遠近  
斜陽不隔水西東槐陰老屋宜清簟蓮葉新陂待碧筒  
便與諸君常倒載兒童一任笑山公

五月晦夕魯庵邀登篆水樓納涼余以病目辭  
明日為長句奉戲且自嘲

昨暮君在篆水樓樓中涼冷如始秋我聞未往神已往  
長鬚更遣來相求小庭屣履忽却坐心與喉語空呶  
與披海風對明燭寧俟夜露清昏眸連宵轟飲錯賓主  
如入酒池爭拍浮斂眉愁病悲紅袖侈口狂怪驚白頭

皆比日  
座中事

阿戎阿咸劇不耐戰鼓正急戈先投

子弟輩往  
往先醉

英雄惟有使君操長鯨渴吻交颼颼丈夫漸老身如寄  
失計未是埋糟邱但憂遇疾無小大十指亦足妨觥籌  
何況神明在阿堵詎令巖電精光收賓筵佐史職不稱

妖姬遺事酬靡由縱使當杯強成醉羣仙應共嗤盲修  
極知良時足可惜請君此夕無朋儔青天高懸列星在  
招呼一一堪勸酬不然言歸洞房迴紅醺翠袖聊綢繆  
文昌服藥我自忍玉川訟月君其休昨望日  
月食弦開輪滿  
須臾耳所冀一雨生清幽登樓風景應更好便擬長夜  
窮歌謳酒空客散初日上與君縱目滄津流

聞魯庵自河北移竹種於垂虹榭後奉題十八

韻

愛君池上榭六月如寒廳連朝坐新雨倒盡雙玉瓶小  
山當戶矗孤雲靄亭亭微風香池荷跳魚響清冷四圍  
雜樹色參差翠成屏猶嫌未濃陰不蔽白日形衛水二  
千里水濱竹青青深叢積霧雨新籜抽雷霆一舸衣帶  
流千竿鳳凰翎遂使尋丈姿入此方寸庭君真好事者  
迴幹動地靈劓象起嶽岑排空生杳冥淒清高士廬縹  
緲仙人局正賴琅玕景一洗魚肉腥潦倒王子猷長日  
煩居停追涼應更數嘯咏或可聽娟娟海天月照人易

飄零與君即嵇阮但醉不用醒

風人詩二首

莫如沙頭蓼難堪一點辛不知蓮蕊苦爭道解蓮人  
縲得新絲絮牽縈幾許長春畦聞藥氣試與覓懷香

題家弟稼民執穀所畫花草便面

十年山居侶草木籬外荷花水邊菊閒揆蕖芥品清新  
細草幽花總堪掬出山忽作塵中遊袖手昏昏滄海頭  
輸與惠連能染筆臨泉坐石寫清秋誰送一枝來眼底



露態烟姿夢魂裏憑君傳語報池亭  
開到秋花我歸矣  
冬日去天津魯庵及其子弟相送至遠郊留別

二首

寒郊曉風日慘澹引行塵經歲忘歸客  
今朝獨去身可憐相送者一一最相親  
試與斯須立已傷無限神

臨歧黯無語忍泪望風埃久住渾非客  
忽行如未來林疎殘日遠溪午薄冰開  
宛是相迎處春寒首重迴



因園集卷六